

ANT. AVGVSTINI  
ARCHIEP. TARRACONENSIS  
DE EMENDATIONE GRATIANI  
DIALOGORVM LIBRI DVO



TARRACONE

Apud Philippum Mey

80 D XXCVII.



## P R A E F A T I O

### V M Maximi Ponti-

fices hac nostra aetate de Gratiani  
Emendatione tantum laborarint,  
ut illius erratis corrigendis non  
quoscumq. viros, sed eruditione, atq. auctoritate  
valde practantes praeficiendos esse iudicarint; se-  
lectis aliis, quorum opera adiuti, quod erat in ani-  
mo, perficerent: sane dubium esse nemini potest,  
rem magni esse momenti, Christianaeq. reipub.  
vniuersac plurimum interesse. Ac quidem vero,  
quamuis tot summorum hominum, et ecclesiae  
Principum auctoritas, etiam sine alia caussa, mul-  
tum apud omnes valere debet; tamen si res dili-  
genter consideretur, licet eadem indigeremus, ra-  
tione item constat, maius hoc quiddam esse, quam  
vulgo homines opinantur, qui totum hoc studio-  
rum genus pro nihilo habentes, iurisq. contex-  
tum contemnentes, se totos ad interpretes confe-  
runt. Quibus ego, ut eos magni faciant, et tam-  
quam duces, ac magistros habeant, cum concessio-  
ne; illud tamen constanter affirmabo, iuris Pon-  
tificii tantam esse dignitatem, ut non solum ipsa-

ANT. AVG VSTINI

ARCHIEP. TARRACONENSIS

DE EMENDATIONE GRATIANI

DIALOGORVM LIBRI DVO. DE

LIBER PRIOR.

De titulo libri Gratiani, et de

mendis. *Dialogus primus.*

NISI TIBI MOLESTVM EST  
vehementer cupio a te discere; quid sit,  
quod Romae de Gratiani emendatio-  
ne tanta cura per tot annos agatur: vt  
necessitatem fuerit, a tribus Pontificib. vt au-  
dio, multos amplissimos viros ex Pur-  
puratis illis, et alios doctissimos homines hac vna in re af-  
fidue versari. A. Mihi quidem nihil molestiac adferes,  
cum a me aliquid postulaueris, quod tibi fore gratum exi-  
stimerem, ea praesertim de re, quae studiis tuis sit oportuna.  
Cave enim putes, illius libri lectione, quem Gratiani De-  
cretum falso vocant, si recte scriptum legatur, et ex suis  
fontib. singula capita deducta sint, quod potissimum in  
emendatione est, quidquam iuris Pontificii studiosis uti-  
lius esse. Quia de re aliquid fortasse dicere possum: quid  
autem Romae aetum sit, aut agatur, diligentius haec po-  
terit nobis B. narrare. C. Didici ego quidem ab eodem  
multa, quae curiosius petebam; quibus Pontificib. quot  
viri peritissimi, et quotiens colligerentur, qui ex eis excel-  
lerent vel inueniendis, vel discationis singulis quibusq.  
quo etiam pacto quaedam priuatis studiis paucor. age-  
-niliq.

a rentur